

五

临证医案笔记

如皋吴渭尔著



臨證醫案筆記目錄

第六卷

雜證

小兒諸證

種痘法

人漢真偽辨



北京中醫藥大學圖書館版權所有

臨證醫案筆記卷之六

如皋吳 篴渭泉著

男

丙輝燮堂
恩照耿齋

校刊

雜證

制軍溫慎餘夫人面赤多熱時以開水擗布擦臉爲快
脉浮弦數此肝虛血燥心肺蘊熱經曰肝熱病者左
頰先赤心熱病者顏先赤肺熱病者右頰先赤其喜



熱水熨面者緣頭面皮膚有風藉熱氣以散之也當
進八味逍遙散加白芷甘菊淡竹葉燈心以養血疏
肝則頭面風熱自散矣

皖臬富竹泉右頸中間連生三核腫痛處如杯大余曰
六脉洪數似成馬刀俠癭疽之象外證非余所善速
延瘍科醫治遲則核破可虞廉訪固求治之遂令服
真人活命飲外敷金黃如意散中核腫突破頭用茅
草灰方搽之貼以膏藥其小核以圍藥鐵井欄箍之



並用敗毒托補之劑流出膿血十餘碗兩月而安

口瘡

口瘡三月糜爛惡臭不能喫食問其每飲茶湯喜

熱惡冷噉出臭味餒腐酸胖六脉細弱形困氣倦

思慮勞傷肝脾鬱結寒水乘心火不歸原非胃熱實
火也卽用八味地黃湯引火歸原自可見效

呂巴京卿云口舌生瘡糜爛久服苦寒之藥並搽黃連散

俱無效余曰脉虛遲濇此勞傷心脾逼起無根虛火
而非實熱也宜投理陰煎反治之外用官桂噙嚙自

效

松將軍舌下腫出如舌脹滿痛硬飲食不進余云此爲重舌又謂之子舌皆因心火上炎熱壅舌根故也當用砭鍼刺去其血用蒲黃冰片爲末常刷舌上次早腫畧退能嚥唾惟舌赤而硬仍以鍼刺出紫血卽以黃連煎汁細細呷之專瀉心火旋服清胃降火之劑而腫消舌軟如常矣

唐口舌生瘡滿口牙齦腫爛脉浮洪數係上焦積熱

陽毒熾盛也外用寒水石牙硝硼砂冰片黃連胡黃連黃柏青黛爲末搽之內服鹹寒苦甘之藥以湯中二焦實熱使熱清火降則腫消而痛止

連翹

大黃

甘草

梔子

黃芩

薄荷

生地

黃連

石膏

竹葉

眼目京卿陳伯恭視物昏花翳膜遮睛痛澹眵淚診脉浮數

此肝肺停留風熱風邪所乘熱氣上攻故翳障目澀



多淚宜服八味還睛散自痊

白蒺藜

防風

甘草

木賊

山梔仁

各七錢

草決明

一兩

青箱子

二錢半

蟬退

右炒爲細末每服二錢食後麥冬湯調服

侍御張船山兩目昏暗眵淚羞明左關浮大弦數係肝

經風熱上攻於目卽用蜜蒙花散加黃連黃芩枳殼

以散風清熱而磨翳障

蜜蒙花

羌活

白蒺藜

木賊

枳殼



南京中医药大学图书馆版权所有

石決明

各一兩

甘菊

三兩

黃連

黃芩

枳殼

各五錢

炒爲細末每服二錢食後茶清調下

刺史徐約之久患目疾漸至昏如霧露眼前黑花余視

其瞳子并無熱壅遮隔惟珠色青藍微兼綠色脉虛

弦數皆由房勞過度真陰肝腎虛損水虧血少陰火

上炎以致神水散大瞳子無光綱目謂其有翳在黑

睛內遮瞳子而然也當服石斛夜光丸滋養肝血而

壯腎水若不戒房幃加意清心保惜恐有失明之虞

憶道光五年余起病進京晤查君小山雙眸全瞎嗣
一月後見其目明如故問如何得愈據述延有河間
李姓者令茹素居於淨室關閉不通風氣以布纏頭
用井水常澆頭面七日後用針在黑珠裏面撥刮問
我看見人物否答以不甚明晰隨又撥刮越刮越明
亦不甚疼竟獲全明余面詢李君何以神奇如此伊
云得異人指授相傳六代只能治好目失明而不能
治胎瞎久瞎亦不會醫治目疾余按龍木禪師論瞳

子內障聞有巧手妙心能用金針於黑珠內撥去黑翳取效最捷此雖聞之而實未見其人乃於查君處竟獲見此奇術惜秘而不傳故筆之以俟後之賢者留心訪習焉

范見田雙目赤腫隱澁難開翳膜遮睛診左關浮數係肝經風熱毒氣上攻以致瘀肉赤爛內外翳障卽用蟬花散以散風清熱

耳證胡司馬述兩耳重聽多年時聰時沉每服補藥及食辛

辣熱物或大便秘結卽耳閉目眩且耳響如風雨聲
時得大便秘瀉乃聰余診脉浮大滑數係肝火
肺胃痰飲停滯中焦且目爲肝竅膽脉絡於耳
火盛故目眩耳聾先服當歸龍薈丸通平上下三焦
之火兼以行氣通竅使諸經之火漸平卽宜滋陰壯
水或可稍聰但暴聾多易治久聾者難爲力耳

韓刺史兩耳常鳴忽聾閉不通脉虛弦數係真陰腎水
不足肝經血虛氣逆虛火上乘壅塞清道所致經曰



肝病者耳無所聞氣逆則耳聾不聰所謂浮而聾者
皆在氣也宜晨服六味地黄丸加歸芍遠志石菖蒲
沾磁石壯水以制陽光填陰以鎮逆氣暮服四物湯
加山梔柴胡木香石菖蒲以養血清火疎肝順氣而
閉者自開矣

鼻病觀察張菊洲來函云向來鼻流濁涕每晨起卽打噴嚏
數十甚至百餘治已漸止秋氣甫動忽而大發余復
曰想係肺金虛熱腠理不密每遭涼受熱邪氣襲入

皮毛山根氣道阻塞故有噴嚏時流濁涕也大都鼻
病無他非風寒外感則內火上炎如外感者宜服
耳散以散風熱內熱者當用清化飲以清陰虛諸
瑚都統鼻流濁涕臭不堪聞脉浮數大此因過飲酒醴
嗜食肥甘熱物火由寒鬱以致濕熱上薰津汁溶溢
而下離經腐敗故作臭名爲鼻淵又名腦漏是也宗
河間用防風通聖散一兩加薄荷黃連各三錢以治之
戴 鼻流濁涕不止診脈浮數乃風熱燥腦血液下滲

而然經曰腦滲爲涕又曰脾移熱於腦則辛頰鼻淵
鼻淵者濁涕下而不止也宜服蒼耳散使清升濁降
風熱散而腦液自固矣

米 云久得鼻淵頭腦隱痛眩暈不清服清火散風藥

不效余曰脉沉細弱乃營衛不足精氣虧損鼻淵雖
爲熱證然流滲旣久卽火邪已去而流仍不止以液
道不能扃固也故新病者多由於熱久病者非盡爲
熱證按此非峻補氣血不可卽用大補元煎以速培



本元

吳 鼻生瘰肉不聞香臭予曰鼻爲肺竅氣清則鼻通
氣熱則鼻塞今脉浮數大是濕熱壅盛蒸於肺門故
生瘰肉猶濕地得熱而生芝菌也內宜散風清火外
用枯礬爲末加礪砂少許吹鼻中或以綿胭脂裹塞
鼻中數日卽能消化

辛夷

白芷

升麻

細辛

川芎

甘草

木通

黃芩

梔子 等分爲末每服三錢以清茶調下

陳

面生酒皰赤鼻右寸浮數此好飲過甚濕熱乘肺

薰蒸面鼻血熱風燥之故內宜清火涼血外用白礬

硫黃乳香等分爲末棉裏擦之或用茄汁調敷患處

更妙

生地

芍藥

丹皮

地骨皮

石斛

麥冬

黃芩

炒山梔

茯苓